

**Ақша нарығының индикаторлары бойынша жұмыс тобының (MMWG)
1-ші отырысының хаттамасы
2018 жылғы 25 шілде, Алматы қ.**

2018 жылғы 25 шілдеде Алматы қаласында Еуропа Қайта құру және Даму Банкі (бұдан әрі – ЕҚДБ), Қазақстан Республикасының Ұлттық Банкі (бұдан әрі – ҚРҰБ), екінші деңгейдегі банктер, Қазақстан қаржыгерлері қауымдастығы, «Қазақстан қор биржасы» АҚ өкілдерінің қатысуымен Ақша нарығының индикаторлары бойынша жұмыс тобының (бұдан әрі – Жұмыс тобы) 1-ші отырысы болып өтті.

Отырыс Қазақстан Республикасының ақша нарығын, атап айтқанда оның индикаторларын, талқылауға бағдарланған іскерлік атмосферада өтті. Тараптар ақша нарығы бенчмарктерінің маңыздылығын және бенчмарктер саласындағы соңғы әлемдік үрдістерді талқылады, Қазақстанның ақша нарығын дамыту жөнінде пікір алмасты, Индикаторлар мәселелері жөніндегі жұмыс тобының жұмыс кестесін талқылады және Қазақстанның біркүндік тәуекелсіз бенчмарктерінің ықтимал нұсқаларын қарастыруға кірісті.

Күн тәртібіне сәйкес Отырыс барысында мынадай мәселелер талқыланды:

I. Ақша нарығы индикаторларының АКС іске асырудағы және ішкі нарықтарды дамытудағы рөлі.

1. ҚРҰБ өкілдері инфляциялық таргеттеу режиміне өткен сәттен бері ақша нарығы мен оның индикаторларының ақша-кредит саясатын іске асырудағы рөлінің өсіп келе жатқанын атап өтті. Олар қатысушыларға ҚРҰБ-ның айырбастау бағамын таргеттеуден пайыздық мөлшерлемелерді таргеттеуге өту шеңберінде қабылдап жатқан шаралар туралы, сондай-ақ ішкі ақша нарықтарының маңыздылығын арттыру және пайыздық мөлшерлемелер тәуекелдерін басқару туралы айтып берді.
2. Өз кезегінде ЕҚДБ өкілдері пайыздық мөлшерлемелер тәуекелдерін басқаруда және тиімді ішкі нарықтарды дамытуда ақша нарығы бенчмарктерінің маңызды екендігін түсіндірді.

II. ЕҚДБ ұсынған соңғы халықаралық үрдістер ескерілген Қазақстан қаржы нарығының қолданыстағы индикаторларына шолу. Ақша нарығының оңтайлы индикаторын таңдау бойынша ұсыныстар.

1. ҚРҰБ-ның өкілдері Қазақстан ақша нарығының ағымдағы индикаторларын көрсетті.
2. Өз кезегінде ЕҚДБ өкілдері соңғы халықаралық үрдістерді¹, атап айтқанда индикативті мөлшерлемелерді көрсететін LIBOR типіндегі индикаторлардан жаңартылған күн сайынғы мәндерді көрсететін

тәуекелсіз бенчмарктерге өту жөніндегі үрдістерді таныстырды. Сонымен бірге олар ақша нарығының сенімді индикаторларын жасаудың басты қағидаттарын, сондай-ақ біркүндік тәуекелсіз мөлшерлемелердің анықтамасын және оны есептеу әдіснамасын келісу мақсатында әлемнің түрлі елдеріндегі Жұмыс топтары әзірлеген деректерді бағалау өлшемшарттарын, әдіснамасын және талдауын ұсынды.

3. Тараптар банктер арасында сенімсіздік деңгейінің жоғары болуына байланысты банкаралық нарықтағы операциялар санының азайғанын атап өтті. Сондай-ақ тараптар KIBOR/KIBID, KIMEAN және KazPrime сияқты банкаралық депозиттердің нарықтық көрсеткіштерінің нарыққа қатысушылар арасында сұранысқа ие болмай отырғаны жайында қорытындыға келді.

4. Ақша нарығы бенчмарктері туралы талқылаулар Қазақстанның ақша нарығының өтімділігі мен тиімділігін арттыруға ықпал етуі (осылайша, ақша нарығының неғұрлым орнықты бенчмарктеріне қолдау жасай отырып) мүмкін шаралар мәселелерін де қозғады.

III. Отырыс қорытындысы бойынша тараптар төмендегілер жайында келісімге келді:

1. Екінші деңгейдегі банктер өкілдерінің қосымша қаражатты орналастыру қажеттілігіне байланысты ҚҚБ-да сауда-саттық аяқталғаннан кейін тікелей ҚРҰБ-мен қосымша терезе (шамамен 30 минут) ашуға қатысты ұсынысы назарға алынсын.

2. Екінші деңгейдегі банктер өкілдерінің біркүндік своптар қолжетімді болмаған жағдайда ҚҚБ-дағы екікүндік своптарға ҚРҰБ-ның қатысу қажеттілігіне қатысты ұсынысы назарға алынсын.

3. Екінші деңгейдегі банктер ағымдағы ақша нарықтарын және Қазақстандағы ақша нарығының индекстерін, атап айтқанда индекстің әр түрінің артықшылығы мен кемшілігін талдауды және ҚРҰБ-ға:

а. 2018 жылғы 20 қыркүйекке дейінгі мерзімде толық бағалауды (1-қосымшаның 1-кестесі және 2-кестесі).

б. 2018 жылғы 20 қыркүйекке дейінгі мерзімде сұрақтарға жауаптарды (1-қосымша) ұсынады.

IV. Жұмыс тобының кезекті отырысын өткізу туралы.

1. Тараптар Жұмыс тобының келесі отырысын 2018 жылдың екінші жартысында Алматы қаласында өткізуге келісті.

2. Кезекті Отырысты өткізудің нақты мерзімі мен орны қосымша келісіледі.

¹Соңғы үрдістер туралы ақпарат FSBнің пайыздық мөлшерлемелердің негізгі бенчмарктерін реформалау туралы 2017 жылғы зерттеуінде берілген. FSB-нің ұсынымдарын орындау туралы 2014 жылғы шілдедегі есеп - <http://www.fsb.org/wp-content/uploads/P101017.pdf>